

質

龜

論

周履靖
校梓

中華
書局

質龜論

此據夷門廣牘本
影印初編各叢書
僅有此本

質龜論

嘉禾周履靖校梓

夫龜者水產而形故八百年反大如錢夏則游於香荷冬則藏於藕節爲人所驚則隨波流蕩在於荷中可審而察之有黑氣如煤烟於荷心其狀甚分明遊人往往見之此謂之息氣也故非有太清法者則莫能取之矣或見其氣象輒莫驚動其荷當潛含水及油膏喫之則其龜勿能遁形矣處澤產水術云油可以見水族靈物

若獲之可以其色以占於未萌凡卜當以心指其龜若卜其生事龜之甲文乃變爲桃花之色其紅可愛若卜其死事甲文乃變爲黢黢之色其洿可惡若卜其善事是龜也蹢躅跳躍而弗能止矣若卜其惡事則泊然不復變其色伏息竟日而復興其論曰夫甲黃足赤服白尾青眼黑者蓋稟受乎五行之粹也然而性畏刀鐵之器聞其聲則不能動矣其論本在鴻毛溪之南九岩石室之前石可半畝許大其色狀如黃羅

故謂之黃羅石覆其岩之上刻以金玉皆周書
小篆體故鍾山太嶽主寶冥之所祕錄也李淳
風采藥於鍾山鴻毛溪紫菰石室中遇嶽主誥
之遂潔誠精心仰視點記錄進唐太宗皇帝故
世得聞焉

質龜論終